

Қазақстан Республикасы Үкіметінің 2005 жылғы 5 ақпандағы N 110 қаулысына толықтырулар енгізу туралы

Күшін жойған

Қазақстан Республикасы Үкіметінің 2005 жылғы 15 қыркүйектегі N 921 Қаулысы . Күші жойылды - ҚР Үкіметінің 2007.03.20. N 225 (2007 жылғы 1 сәуірден бастап қолданысқа енгізіледі) қаулысымен.

Қазақстан Республикасының Үкіметі **ҚАУЛЫ ЕТЕДІ:**

1. "Республикалық және жергілікті бюджеттердің атқарылу ережесін бекіту туралы" Қазақстан Республикасы Үкіметінің 2005 жылғы 5 ақпандағы N 110 қаулысына (Қазақстан Республикасының ПҮКЖ-ы, 2005 ж., N 6, 58-құжат) мынадай толықтырулар енгізілсін:

көрсетілген қаулымен бекітілген Республикалық және жергілікті бюджеттердің атқарылу ережесінде:

2-бөлімнің тақырыбы ", сайлауларды мемлекеттік қаржыландыру" деген сөздермен толықтырылсын;

мынадай мазмұндағы 4-1-тараумен толықтырылсын:

"4-1-тарау. Сайлауларды мемлекеттік қаржыландыру

56-1. Президенттің, партиялық тізімдер негізінде сайланатын Парламент Мәжілісінің депутаттарын қоспағанда, Парламенттің, мәслихаттардың депутаттарын, жергілікті өзін-өзі басқару органдарының мүшелерін сайлау осы мақсаттар үшін ашылатын жергілікті атқарушы органдардың бюджеттік шоттары арқылы республикалық бюджет қаражатынан қаржыландырылады.

56-2. Сайлауларды мемлекеттік қаржыландыру Қазақстан Республикасы Қаржы министрлігінің Қазынашылық комитеті міндеттемелері бойынша қаржыландырудың жиынтық жоспарына сәйкес Орталық сайлау комиссиясының міндеттемелерін қабылдауға рұқсат беру жолымен екі данада жүзеге асырылады, рұқсат берудің бір данасы Орталық сайлау комиссиясында қалады, екінші данасын және облыстың, республикалық маңызы бар қаланың, астананың әрбір аумақтық сайлау комиссиясы бойынша қаржыландыру жоспарларын Орталық сайлау комиссиясы Астана қаласының Қазынашылық департаментіне ұсынады.

Астана қаласының Қазынашылық департаменті міндеттемелерді қабылдауға рұқсат берулерді әрбір облыс, республикалық маңызы бар қала, астана бойынша үш данада қалыптастырады, бір данасы Астана қаласының Қазынашылық департаментінде қалады, екі данасын Орталық сайлау комиссиясына тапсырады, оның біреуін соңғысы облыстың, республикалық маңызы бар қаланың,

астананың аумақтық сайлау комиссиясының қаржыландыру жоспарымен бірге облыстардың, республикалық маңызы бар қаланың, астананың тиісті жергілікті атқарушы органдарына тапсырады.

Облыстардың, республикалық маңызы бар қаланың, астананың жергілікті атқарушы органдары аудандардың, қалалардың аумақтық сайлау комиссияларының қаржыландыру жоспарларын тиісті облыстық, Астана және Алматы қалаларының Қазынашылық департаменттеріне ұсынады.

Облыстардың, Астана және Алматы қалаларының Қазынашылық департаменттері міндеттемелерді қабылдауға рұқсат беруді әрбір аудан, қала бойынша үш данада қалыптастырады, міндеттемелерді қабылдауға рұқсат берудің бір данасы облыстың, Астана және Алматы қалаларының Қазынашылық департаментінде қалады, екі данасы облыстың, республикалық маңызы бар қаланың, астананың жергілікті атқарушы органдарына тапсырылады, оның біреуін соңғысы аудандардың, қалалардың аумақтық сайлау комиссияларының қаржыландыру жоспарымен бірге аудандардың, қалалардың тиісті жергілікті атқарушы органдарына тапсырады.

56-3. Бекітілген қаржыландыру жоспарының шегінде сайлау науқанын өткізу үшін бөлінетін бюджет қаражатына билік етушілер тиісті сайлау комиссияларының төрағалары болып табылады. Сайлауларды өткізуге бюджет қаражатын жұмсау республикалық бюджет қаражаты есебінен жүзеге асырылатын операцияларды есепке алу үшін ашылған жергілікті атқарушы органдардың бюджеттік шоттарынан жүргізіледі. Жергілікті атқарушы органдар азаматтық-құқықтық мәмілелерді жасау мен төлемдерді жүзеге асыру үшін берілген рұқсаттарды тиісті сайлау комиссияларының төрағаларына дейін жеткізеді. Тауарларды (жұмыстарды, қызметтерді) беруге арналған шарттарды "Қазақстан Республикасындағы сайлау туралы" Қазақстан Республикасының 1995 жылғы 28 қыркүйектегі Конституциялық заңында көзделген жағдайларды қоспағанда, тиісті әкімшілік-аумақтық бірліктің жергілікті атқарушы органдарына берілген рұқсаттар шегінде тауарларды (жұмыстарды, қызметтерді) берушілермен тиісті сайлау комиссияларының төрағалары жасайды.

56-4. Сайлаулар өткізу уақытында жергілікті атқарушы органдар тиісті аумақтық Қазынашылық бөлімшелеріне қолдар мен мөрдін үлгілері бар уақытша құжат ұсынады. Бұл ретте бірінші қол қою құқығы аумақтық сайлау комиссиясының төрағасына беріледі. Екінші қол қою құқығы тиісті әкім аппаратының бас бухгалтеріне (қаржы қызметінің басшысына) беріледі.

Құжат жергілікті атқарушы органның елтаңбалық мөрінің үлгісі, тиісті мәслихаттың аумақтық сайлау комиссиясын сайлау туралы шешімінің (аумақтық сайлау комиссиясының мүшесі - аумақтық сайлау комиссиясының төрағасын оны мәслихат сайлағанға дейін бұрынғы төрағаның орнына тағайындағаны

туралы жоғары тұрған сайлау комиссиясының шешімі) нөмірі мен күні көрсетіле отырып ресімделуі тиіс. Аумақтық сайлау комиссиясы төрағасының 001 "Сайлау өткізуді ұйымдастыру" бағдарламасының 100 "Сайлау өткізу" кіші бағдарламасы бойынша жергілікті атқарушы органның бюджеттік шотынан қаражатты жұмсауға өкілеттілігі сайлаулар өткізу не қайта дауыс беру не қайта сайлаулар мерзіміне және олар аяқталғаннан кейін отыз күнтізбелік күнге дейін ғана белгіленеді.

Аумақтық сайлау комиссиясы төрағасының қаражатты жұмсауға өкілеттік мерзімі қаржы жылының соңына келген жағдайда, сайлаулар бойынша төлемдер жүргізу Қазақстан Республикасы Ұлттық Банкі басқармасы қаулысымен Қазынашылық органына қаржы жылы аяқталған соң Қазақстан Республикасының төлем жүйесінің жұмысын ұйымдастыру үшін белгілеген мерзімде жүзеге асырылады.

56-5. Аумақтық сайлау комиссияларының төрағалары ақша қаражатына билік етеді және қаржы мәселелері бойынша сайлау комиссияларының шешімдеріне қаржылық құжаттардың сәйкестігіне жауап береді.

56-6. Республикалық бюджет қаражатынан мыналарға арналған шығыстар жабдылады:

- 1) сайлау комиссияларын ұйымдастыру мен оның қызметі: сайлау комиссияларының босатылған мүшелерінің жалақысы; сайлау комиссиялары мүшелерінің қосымша еңбекақысы; жалақыға есептеу;

техникалық қамтамасыз ету (компьютерлер, ұйымдастыру техникаларын сатып алу, жабдықтарды жалға алу және жабдықтарға техникалық қызмет көрсету);

көліктік шығыстар;

бұқаралық ақпарат құралдарында жариялау; байланыс қызметтері, почта-телеграф шығыстары; еңбек келісімдері негізінде штаттан тыс қызметкерлер орындайтын жұмыстар;

;

полиграфиялық шығыстар;

кеңсе және шаруашылық тауарларды, ұрандар, плакаттар, мемлекеттік рәміздер үшін материалдар сатып алу;

- 2) үй-жайларды жалға алу;

- 3) іссапар шығыстары;

4) консультанттардың, сарапшылардың, лингвистикалық комиссия мүшелерінің еңбегіне ақы төлеу;

5) "Қазақстан Республикасындағы сайлау туралы" Қазақстан Республикасының 1995 жылғы 28 қыркүйектегі Конституциялық заңының 28-

бабының 3-тармағына сәйкес партиялық тізімдер бойынша дауысқа түсетін кандидаттардан басқа, кандидаттардың бұқаралық ақпарат құралдарында с ө й л е й т і н с ө з д е р і ;

6) "Қазақстан Республикасындағы сайлау туралы" Қазақстан Республикасының 1995 жылғы 28 қыркүйектегі Конституциялық заңының 28-бабының 4 және 5-тармақтарына сәйкес кандидаттардың көпшілікке сайлау алдында іс-шаралар өткізу және партиялық тізімдер бойынша дауысқа түсетін кандидаттардан басқа, кандидаттардың үгіт материалдарын шығару;

7) партиялық тізімдер бойынша дауысқа түсетін кандидаттардан басқа, кандидаттардың Орталық сайлау комиссиясы белгілеген мөлшерде көлік шығыстары .

56-7. Аумақтық және округтік сайлау комиссияларының төрағаларына тұрғын үй-жайды жалға алу бойынша іссапар шығыстарын өтеу мемлекеттік мекемелердің басшылары және басшыларының орынбасарларына белгіленген мөлшерде, ал учаскелік сайлау комиссияларының төрағалары мен сайлау комиссияларының мүшелеріне - мемлекеттік мекемелердің қызметкерлеріне белгіленген мөлшерде Қазақстан Республикасы Үкіметінің 2000 жылғы 22 қыркүйектегі N 1428 қаулысымен бекітілген Мемлекеттік бюджеттің есебінен ұсталатын мемлекеттік мекемелер қызметкерлерінің, сондай-ақ Қазақстан Республикасының Парламенті депутаттарының Қазақстан Республикасының шегіндегі қызметтік іссапарлары туралы ережемен жүзеге асырылады.

56-8. Жергілікті атқарушы органның бюджеттік шотынан қаражатты жұмсау аумақтық сайлау комиссиясы төрағасының шешімі бойынша мынадай тәртіппен жүргізіледі :

аумақтық сайлау комиссияларын қаржыландыру жоспарларының шегінде ақша аумақтық сайлау комиссияларының төрағалары есеп беретіндей етіп беріледі, орындалған жұмыстар және сайлау учаскелеріне сатып алынған материалдық құндылықтар үшін шоттар төленеді. Пайдаланылмаған есеп берілетін сомалардың қалдығын сайлаулар аяқталғаннан кейін үш күн мерзімде аумақтық сайлау комиссияларының төрағалары шығыстардың экономикалық сыныптамасының тиісті ерекшеліктері бойынша жергілікті атқарушы органның бюджеттік шотына есепке алу үшін әкім аппаратының кассасына тапсырады;

аумақтық сайлау комиссияларының шығыстары Орталық сайлау комиссиясы бекіткен олардың қаржыландыру жоспары шегінде аумақтық сайлау комиссияларының төрағалары бекіткен шоттар ұсынылғаннан кейін төленеді. Аумақтық сайлау комиссиясының шығыстарына арналған қолма-қол ақшаны беру осы комиссияның төрағасының өкімі бойынша жүргізіледі. Аванстық есепті алғаннан кейін әкім аппаратының бас бухгалтері (қаржы қызметінің басшысы) растайтын құжаттардың ресімделу дұрыстығын тексереді және оларды осы

комиссия төрағасының бекітуіне береді.

56-9. Сайлау науқандарына, оның ішінде кандидаттарға бөлінген республикалық бюджет қаражатын жұмсауды бақылау Қазақстан Республикасының заңнамасына сәйкес жүзеге асырылады.

Сайлау комиссияларының төрағалары ақша қаражатына билік етеді және қаржы құжаттарының сайлау комиссияларының қаржы мәселелері бойынша шешімдеріне сәйкес келуіне жауап береді.

56-10. Кандидатурасын алып тастауға немесе кандидатты ұсыну туралы шешімнің күшін жоюға байланысты және сайлау комиссиясының республикалық бюджет қаражатынан сайлау науқанын өткізуге жұмсалған шығыстар бөлігін кандидаттың, оны ұсынған мәслихаттың немесе қоғамдық бірлестіктің шотына жатқызу туралы шешімі болған кезде, егер республикалық бюджеттен шығыстар және қаражатты қалпына келтіру бір қаржы жылында жүргізілсе, соңғысы жергілікті атқарушы органдардың бюджеттік шоттарына сайлауларды өткізу жөніндегі қассалық шығыстарды қалпына келтіруге қаражат аударады. Республикалық бюджеттен шығыстарды бір, ал қаражатты қалпына келтіру келесі қаржы жылында жүзеге асырылған жағдайда, бұл қаражатты кандидат " Республикалық бюджетке түсетін өзге салықтық емес түсімдер" коды бойынша республикалық бюджеттің кірісіне аударады. Бұл ретте көрсетілген шешімді: Президентті сайлау кезінде - Орталық сайлау комиссиясы, Сенат депутаттарын сайлау кезінде - аумақтық сайлау комиссиялары, Мәжіліс және мәслихат депутаттарын сайлау кезінде округтік сайлау комиссиялары қабылдайды.

56-11. Президентті, партиялық тізімдер негізінде сайланатын Парламент Мәжілісінің депутаттарын қоспағанда, Парламент, мәслихаттар депутаттарын және жергілікті өзін-өзі басқару органдары мүшелерінің сайлауын өткізуге бөлінген бюджет қаражатын пайдалану жөніндегі бухгалтерлік есепті жүргізу және қаржылық есеп беруді жасау Қазақстан Республикасының заңнамасына сәйкес жүзеге асырылады.

2. Осы қаулы қол қойылған күнінен бастап қолданысқа енгізіледі.

Қазақстан Республикасының

Премьер-Министрі